



## Milutitsineq

Illit immunnik meeraq milutsikkukku peqqinnarnerpaavoq, meeqqamummi tulluussangaamat alliar-tonerani pisariaqartitai tamarmik illit immunneereermata ammalu sanaqqaartariaanani.

Illit immut aamma akoqarpoq meeqqap nappaatinut illersuutigisinnaasaanik, soorlu naarlunnermut sapingaqalersinnaanermullu meeraq illersorsinnaammangu.

Kisianni aamma eqqaamasariaqarpat illit immut tungusunnitsuummat. Meeqqat kigutaat tamatigut peqqittuullutik puttuttarput. Akulikippallaanik sualummik unnukkut meeqqat miluttittarukku sulii ataasiliinngitsaq, taava kigutai putujartulersinnaapput sualummik salilluarsimangippata.

Kigut putujartuleraangami ikkiup sinaani titarnertut saatsigisumik qaqqorinneqalersarpoq [[kigutip putujartulernerata aallartinnera](#)]

Meeqqap kigutaa sulii tamavimmi puttutinngikkaluartoq kigutigissarluartarlugu aallartissinnaavat. [[Kigutigissarneq](#)]

Kigutigissaanerni kigutit qaqorsaataat atortarsinnaavat, kisianni ullormut kigutai marloriarlugit salittarukkit meeqqap eqqeqquata kukiata affaanik annginerussangilaq. [[Kigutigissaaneq kigutillu qaqorsaataanik atuneq](#)]

Aamma miluttitsinerpit nalaani imerluarnissat pingaartorujuuvoq. Kigutitillu putoqalissangippata siunnersorusuppatsigit imermik, immummik tiimilluunniit najorsisaqqullutit. Sodavandit safti imaluunniit tungusunnitsut allat imeruusaatit sapinggisamik pinaveersaarnissaat innersuussutigaarput.